

四庫全書

經部

欽定四庫全書

詩緝卷二十四

宋 嚴粲 撰

魚藻之什

小雅

魚藻

音早

刺幽王也言萬物失其性王居鎬京

鎬京上濁

將

不能以自樂

音洛

故君子思古之武王焉

此詩止刺幽王後序因詩有在鎬之文遂云思武王

耳

魚在在藻

箋曰藻水草也○長樂劉氏曰夏月之時淺水生藻○補傳曰水必淺涸然後魚在藻間

此乃魚窘迫之狀喻民處亂世其魔迫有頌其首
頌音

恐懼亦若魚之在藻也○藻解見采蘋
傳曰頌大首貌○補傳曰王在在鎬
今曰王
首大而尾長乃魚之瘠者
幽王也
宣樂飲酒

宣樂音愷洛○
箋曰宣亦樂也

興也水深則魚樂所謂躍淵縱壑相忘於江湖者也

今魚何在乎淺水生藻而魚在焉露其頌然之大首

猶言魚在于沼亦匪克樂喻民之窮蹙窘迫也幽王

何在乎在鎬京宣樂而飲酒民安而後君安今民失

其所而王獨樂其能久乎孟子所謂雖有臺池鳥獸
豈能獨樂哉

魚在在藻有莘其尾

莘音詵○傳曰莘長貌

王在在鎬飲酒樂豈

潛魚願深渺今既露其首復驚逝而露其莘然之長
尾蓋在淺水之處故逃竄窘迫首尾俱見也

魚在在藻依于其蒲

補傳曰蒲生於岸始依此以匿其形耳

王在在鎬有

那其居

那音儼○箋曰那安貌

藻猶在水之中蒲生近岸則水又淺矣愈更窘促也

幽王在鎬安然以居不知危亡之將至也

魚藻三章章四句

采菽

音叔

刺幽王也侮慢諸侯諸侯來朝

音潮

不能錫命以

禮數徵會之而無信義

數音朔

君子見微而思古焉

疏曰周本

紀云褒姒不好笑幽王欲其笑萬方故不笑幽王為烽燧大鼓有寇至則舉燧火諸侯悉至而無寇褒姒乃大笑幽王欲悅之數舉烽火其後不信益不至幽王之廢申后去太子申侯怒乃與繒西夷犬戎共攻幽王幽王舉烽火徵兵兵莫至遂殺幽王驪山下繒音晴國名也

采菽采菽

箋曰菽大豆也采其葉以為藿○菽解見小宛

筐之筥之

筐音匡筥音舉○筐

宮解見
采蘋

君子來朝何錫予之

子音與

雖無予之路車乘馬

乘去聲○疏曰賜同姓以金
路異姓象路○解見韓弈

又何予之玄衮及黼

傳曰玄衮

卷龍也○疏曰龍首卷然謂之衮衮則畫之黼則刺之諸

公之服自衮冕而下侯伯自鷩冕而下子男自毳冕而

下司服注云九章初一日龍次二曰山次三曰華蟲次

四曰火次五曰宗彝皆畫以為黼次六曰藻次七曰粉

米次八曰黼次九曰黻皆絺以為繡則衮之衣五章裳

七也毳畫虎雉謂宗彝也其衣三章裳二章凡五也絺

衣粉米無畫也其衣一章裳二章凡三也玄冕者衣無

文裳刺黻而已是以謂之玄焉鷩音驚毳尺銳反雉位

抽壘三音○朱氏曰黼如斧形刺之於裳也○詩記曰

上公之服九章玄者衣之色也衮者畫之於衣九章之

第一章也黼者繡之於裳九章之第八
章也玄衮及黼皆謂上公之服也

王饗諸侯以太牢其鉶羹之芼牛則以藿藿菽豆之
葉也言采菽葉而盛之筐筥知用太牢之盛禮以饗
諸侯也饗則有車馬衣服之賜以為宥故言此諸侯
之來朝也有何物以錫予之雖無以予之尚與之以
路車及駟馬有車馬以賜之而言無予之蓋其意猶
以為薄也車馬之外又有何物予之又以玄衣畫龍
之衮及刺弁之黼裳好之之意無已也衮黼上公之

服舉尊者言之古者懷諸侯之道如此而今不然也

甯沸檻泉

甯沸音必弗檻銜之上濁○傳曰甯沸泉出貌○釋水曰檻泉正出正出湧出也○李巡

曰水泉從下上出曰湧泉

言采其芹

音勤○箋曰周禮芹菹鴈醢○釋草曰芹楚葵○郭璞曰今水

中芹菜○山陰陸氏曰一名水荃芹潔白而有節其氣芬芳而味不如蓴之美故列子以為客有獻芹者卿豪取而嘗之蜚於口君子來朝言觀其旂其旂淠淠

音譬言徐音

淠○傳曰淠淠動也驚聲嘒嘒

音諱○王氏曰嘒嘒言其聲之細聲之細則無敢馳驅故也載

驂載馬

驂七南反駟音四○蘇氏曰既駕而三之曰驂四之曰駟

君子所屆

長樂劉氏曰屆

也至

膚沸然正出之檻泉我明王使人於此水中采其芹
菜以為饗諸侯之菹也諸侯來朝之時觀其旌旂則
淠淠然動其車馬鸞鈴之聲又嘒嘒然細言雍容中
節也見其驂駟之馬是諸侯來朝而至也

赤帶在股

節音弗股音古傳曰諸侯赤帶邪褊○赤帶
詳解見曹侯人朱節解見采芑○箋曰脛本

曰邪褊在下

幅今音逼舊音福○今考內則幅及桓二
手左傳帶裳幅焉幅偏字異皆音逼○箋

曰邪褊如今行膝也幅束其脛自足至膝
故曰在下○疏曰膝絨也言行而絨束之彼文匪紓

朱氏

曰交際也○
傳曰紓緩也

天子所予樂只君子

樂只音
洛止

天子命之樂

只君子福祿申之

諸侯來朝服其赤芾而在股又著邪幅偃束其脛而
在下彼交際於天子恭敬齊遯不敢紆緩天子由是
賜予之樂哉此諸侯天子之所錫命而福祿之所申
重也

維柞之枝

柞音鑿○曰柞櫟也即唐鵠羽所謂棚也解
見鵠羽○曹氏曰柞堅忍之木其新葉將生

故葉乃落蓋附
著之甚固也

其葉蓬蓬

傳曰蓬蓬盛貌

樂只君子殿天子之

邦殿顛之去聲
傳曰殿鎮也

樂只君子萬福攸同

解見
蓼蕭

平平左右

平音

駢○傳曰平平辯治也○疏曰堯典平章百姓書傳作辯章則平辯義通○朱氏曰左右諸侯之臣也亦

是率從

興也柝有枝枝有葉蓬蓬然盛葉以芘枝枝以衛榦
枝葉相承而根本堅固喻諸侯及其臣上下相承以
衛天子而國家乂安也故曰樂哉此諸侯能鎮天子
之邦也樂哉此諸侯均受其福其左右之臣亦皆平
平辯治相率以從王命也

長樂劉氏曰氣脉者朝廷之寵命也葉之蓬蓬者根

本氣脉之所及然葉之蓬蓬反以衛其根株而為之堅固猶天子寵錫諸侯俾之茂盛反能殿天子之邦

而益朝廷之固也

汎汎楊舟，紼纚維之。

紼，音弗。纚，音律。○傳曰：紼，紼也。纚，綫也。

也。李巡云：紼，竹為索，所以維持舟者。紼亦作紼。○郭璞曰：綫，繫也。

樂只君子，天子葵之。

葵，音達。○傳曰：葵，揆也。○疏曰：天子之於諸侯，命賜有多少，或以恩，或以功，當須揆度多少而與之。樂只

君子，福祿膍之。

膍，音毗。○傳曰：膍，厚也。

優哉游哉，亦是戾矣。

傳曰：戾，至也。

興也。楊舟浮於水上，汎汎然無所定。舟人以紼而纚

維之，喻諸侯離合不常。天子以恩禮維持之也。樂哉

此諸侯天子能揆度其親疎隆殺之宜而錫予之序
所謂錫命以禮也又厚之以福祿宜其優游自得而
戾止於天子之庭矣何幽王之不然也○左傳云王
命諸侯名位不同禮亦異數如虢公晉侯朝王皆賜
玉五穀音角馬三疋君子以為非禮又以鑿鑑賜鄭遂
失鄭伯之心皆是不能揆度其宜也事見莊十八年

采菽五章章八句

角弓父兄刺幽王也不親九族

解見王
葛藟

而好讒佞

好去聲

骨肉相怨

疏曰骨肉謂族親也以其父祖上世同稟血氣而生如骨肉之相附○今日西漢燕刺王

旦傳云今王骨肉至親敵吾一體刺音粹故作是詩也詩記曰前漢書杜鄴云人情恩深者其養

謹愛至者其求詳夫戚而不見殊孰能無怨此常棣角弓之詩所為作也

此詩皆言王無恩於骨肉骨肉怨之欲王厚親親之

恩以消平之也

駢駢角弓

駢息營反韻作解○傳曰駢駢調和也

翩其反矣

翩音篇○朱氏曰翩反貌

兄弟昏姻無胥遠矣

箋曰胥相也

興也駢駢然調利之角弓其體往來張之則內嚮而

來弛之則外反而去喻親族親之則附踈之則離今
王踈遠親族親族之心皆離猶弓之弛翩然而反矣
王於兄弟同姓之親昏姻異姓之親不宜相踈遠如
是也

爾之遠矣民胥然矣

今日民猶人也指族人也詩書稱先民皆訓人○箋曰胥皆也

爾之教矣民胥倣矣

爾幽王踈遠親族之人不以骨肉為念則親族之人
亦皆自相踈遠矣由此爾實教之以偷薄故人皆視

倣之也

此令兄弟

令去聲○箋曰令善也

綽綽有裕

綽處若反裕音諭○傳曰綽綽寬也裕饒

也不令兄弟交相為瘡

音愈○傳曰瘡病也

王無恩於親族親族之中有令善者固綽綽然寬裕不以介意其不善者則相與怨讟而為患矣

民之無良

箋曰良善也

相怨一方

朱氏曰彼一方也○錢氏曰一方猶一隅也

受

爵不讓

錢氏曰酒爵也

至于已斯亡

今曰失意杯酒之間以亡其身如漢田蚡灌夫是也

坊記云觴酒豆肉讓而受惡民猶犯齒

兄弟有因杯酒得罪而怨者此為持平之論以解之言凡人之不善者其相怨各執一偏不能參彼已之曲直故但知怨其上而不思已過然其端甚微或止因受爵失辭遜之節而或至於亡其身亦可念矣欲王闕略兄弟之小過也相怨一方即序所謂骨肉相怨也

老馬反為駒

解見漢廣

不顧其後如食宜餽

食音嗣餽於之去○傳曰餽飽

也如酌孔取

兄弟小過讒人乘間而入遂指老馬為駒顛倒是非
不顧忌其後矣讒言無實久則自敗而小人不恤也
小人肆為讒間如食者但欲飽飫酌者但知多取豈
復更有斟酌言不顧親疎輕重之義也

母教孫升木

母音無孫奴刀反○箋曰母禁辭○陸璣曰孫獼猴也楚人謂之沐猴老者為猓長

臂者為猓猓厥縛反音猓今曰柳子厚憎王孫文云猓之德靜以常王孫之德躁以囂孫即王孫也杜詩覓胡孫是如塗塗附
傳曰塗泥也附著也
君子有徽猷
傳曰徽美也○箋曰猷道也

小人與屬

音屬○箋曰連屬也

讒人為惡如獼猴升木本自能之無所事教王今又
信任之是教獼猴升木也骨肉以小嫌得罪而又使
讒人交鬪之如塗泥又以塗泥附著之則相與為一
牢不可破矣君子如用美道則小人皆連屬而相親
况骨肉乎

雨雪漙漙

雨音諭漙音標從韻
○疏曰漙漙雪盛貌

見覲曰消

覲年之去
傳曰覲日氣

也莫肯下遺

箋曰遺
讀曰隨

式居婁驕

婁音屢○今日居如居
之不疑之居解見下篇

居以凶矜○詩記曰屢驕猶
所謂屢空言其驕之非一也

王既信讒則兄弟之間遂成疑忌如雨雪濛濛而盛
陰氣凝積也雪雖盛纔見日氣則消融非難去也喻
兄弟一見王有恩意則疑怨皆釋然矣柰王莫肯以
恩下及骨肉數數驕慢居之不疑言無遷改也

雨雪浮浮

王氏曰積之高則浮浮

見覲曰流

傳曰流而去也

如蠻如髦

舊音

毛當音謀○傳曰蠻南蠻也○疏曰髦西夷之別名
牧誓云及庸蜀羌髳微盧彭濮人彼髳此髦音義同

我

是用憂

王親骨肉如夷狄然是無可回之意我是用憂之也

角弓八章章四句

苑柳

苑音鬱

刺幽王也暴虐無親而刑罰不中

去聲

諸侯皆

不欲朝

音潮下同

言王者之不可朝事也

有苑者柳

傳曰苑茂本也

不尚息焉

箋曰尚庶幾也

上帝甚蹈

音悼○疏曰王

肅孫毓皆以上帝為斥王傳曰蹈動也○曹氏曰躁動之貌

無自暱焉

傳曰暱近也

俾予

靖之

歐陽氏曰靖安也

後予極焉

傳曰極至也

興也諸侯之欲朝者言有同儕告之曰有苑然茂盛之柳行道之人豈不庶幾就之而止息乎猶王者有

此下之德諸侯豈不欲依歸之以求此乎今王方肆
暴虐甚躁動而不常無往暱近之以自取禍遂使我
且安靖以待其改然後至周以朝蓋教以避禍之計
也上帝斥王也諸侯之欲朝者聞人言而遂止則皆
不朝矣

有苑者柳不尚愒焉

愒音棄韻亦作憇
○傳曰愒息也

上帝甚蹈無自

療焉

療音再鄭音際
○傳曰療病也

俾予靖之後予邁焉

李氏曰
邁往也

有鳥高飛亦傳于天

傳音附○鄭氏曰傳至也

彼人之心

補傳曰彼人乃諸侯

自指其于何其臻

箋曰臻至也

曷予靖之居以凶矜

此諸侯見同儕教以避禍遂言鳥則能高飛至天不在人間彼亦人耳而教我不朝其心欲何所至乎歎人心無所繫屬其咎有在矣故又歎言爾何為使我靖以待之乎王方自居以凶暴驕矜不肯遷改也

詩記

曰於是乎絕意於王室矣居以凶矜即角弓所謂式居婁驕也傳說告高宗云惟厥攸居政事惟醇自古聖賢之論治亂每言夫居也

苑柳三章章六句

都人士周人刺衣服無常也古者長民衣服不貳

長音掌

從容有常

從七容反

以齊其民則民德歸壹傷今不復見古

人也

復扶又反

彼都人士

朱氏曰王都也○今日士對女而言之謂男子也

狐裘黃黃

疏曰禮記緇衣

引此詩註云黃衣則狐裘大蜡之服也

息民之祭服此狐裘則是尊貴之服矣○詩記曰玉藻云君子狐青裘

豹裋玄綃衣以裼之狐裘黃衣以裼之註云君子士大夫也黃衣大蜡時臘先祖之服也裋亦作袖綃音消

其容不改出言有章

朱氏曰文章也

行歸于周

行去聲

萬民所

望

亡音

一章述古之長民者序所謂衣服不貳從容有常以齊其民也彼指古人稱彼以形此也京師首善之地四方所視倣此詩又周人所作故述王都之俗士謂男子也言古者都人之男子其貴者冬則衣狐裘黃黃然其容貌既有常言語又有法度文章其德行歸於忠信表裏如一故為下民所仰望而取法也○士若專以為民則萬民所望非庶民之事若專以為士大夫則下章臺笠非士大夫之服故士者通貴賤之

稱凡詩中以士對女者皆謂男子耳女也不與士貳
其行有依其士思媚其婦維士與女以穀我士女皆
是也此都人士對君子女言之亦指男子

彼都人士臺笠緇撮

緇音資撮七活反○曰臺莎草也解見南山有臺○傳曰緇撮緇布

冠也○箋曰緇布冠儉且節也○疏曰撮是小持其髻

而已玉藻云始冠緇布冠自諸侯以下遠冠而敝之可

也則此應始冠而敝之今都人以為常服者士以上冠

而敝之庶人則雖得服委貌因而冠之而儉者服緇布

故詩人舉彼君子女疏曰都人有君子之德者其家之女綢直如髮綢音

而美焉之德者其家之女綢直如髮綢音

釋文曰綢繆也○錢氏曰言其髮美○解頤新語曰其

首飾綢直一如髮之本然謂不用髮髻為高髻之類

我不見兮我心不說

音悅

二章述王都之民俗序所謂民德歸壹也言古者都人之男子其賤者以臺草為笠以緇布為冠撮持其髮謂之緇撮見儉素也彼君子家之女其為髻密而直如其本髮亦儉素也密是其髮生之密直亦髮之本性緊梳則順其髮性之直故曰密直如髮疾時奢淫故我不見如此之風俗我心思之而憂也

解頤新語曰說

者以綱直如髮為女子情性密緻操行正直如髮之本末無隆殺頗為穿鑿且女子性情操行豈外人所

能知下章卷髮如蠶髮則有旗則不能為說
安有一詩三言髮而以一為此二為賦可乎

彼都人士充耳琇實

琇音秀○解見衛淇

彼君子女謂之尹吉

鄭音

姑毛如字○箋曰尹氏姑氏周室昏姻之舊姓也○疏曰節南山云尹氏大師常武云王謂尹氏昭二十三年尹氏立王子朝是其世為公卿明與周室為昏姻也又宣三年左傳鄭右癸云吾聞姬姑耦其子孫必蕃姑吉人也后稷之元妃也言姬姑耦明為舊姓以此知尹亦有昏姻矣既世貴舊姓昏連於王室家風不替是有禮法矣朝如字○李氏曰周之所謂尹吉如晉之所謂王謝也

我不見兮我心苑結

苑音

允徐音鬱○箋曰苑猶屈也積也

瑱以琇為之塞實其耳此及下章皆指男子之貴者

尹氏姑氏有禮法之家也人見此都人之女皆謂之尹姑氏之女也

彼都人士垂帶而厲

傳曰厲帶之垂者○疏曰垂帶之貌

彼君子女卷髮

如蠺

卷音權蠺勅邁反○釋文曰通俗文云長尾為蠺短尾為蠋○箋曰蠺螫蟲也尾末捷然似婦人髮

末曲上卷然螫音釋捷音牽舉也○疏曰禮歛髮無髻而有曲者以長者盡皆歛之不使有餘而短者若鬢傍不可歛則因曲以爲飾故不同也

我不見兮言從之邁

箋曰邁行也

男子之帶垂而為厲女之髮末卷曲如蠺之尾是不得見也得見則我從之行邁也

匪伊垂之

箋曰伊辭也

帶則有餘匪伊卷之髮則有旃

音餘○傳

日旃揚也

我不見兮云何盱矣

箋曰盱病也

士非故欲垂此帶自有餘而垂也女非故欲卷曲此髮髮自旃揚也言古之為容者亦從其自然而非強之也我不見此人云何乎今已病矣

都人士五章章六句

采芣刺怨曠也幽王之時多怨曠者也

李氏曰序云幽王之時多怨曠

者也則是刺幽王也非是刺怨曠者也時多征役久勞于外其所以怨曠也

終朝采綠

傳曰自旦及食時為終朝○曰綠木賊也○釋草曰葢王芻○箋曰易得之菜也○郭璞

曰葢也葢音辱○陸璣曰草也其莖葉似竹青綠色高數尺今淇澳傍生如草其草澀礪可以洗攪笏及盤枕利於刀錯俗呼為木賊彼士人謂為綠竹

不盈一朶

音菊○傳曰兩手曰朶

予髮曲局

傳曰局薄言歸沐

李氏曰薄辭也

興也綠易得之草終朝采之而不滿兩手之朶怨曠

而心不在焉故也婦人夫不在家不為容飾髮久不

櫛則曲局而不舒展庶幾其夫之歸而沐之望之

辭也

終朝采藍

盧諤反○箋曰藍染草也○疏曰藍可以染青月令仲夏無刈藍以染

不盈一

檐

尺檐反○傳曰檐衣蔽前也

五日為期六日不檐

音瞻○朱氏曰檐與瞻同

去時約以五日而歸今六日而不見時未久而怨何

也古者新昏三月不從政此新昏者之怨辭也

之子于狩

箋曰之子謂其君子也于往也

言韋其弓

韋音暢○小戎傳曰韋弓室也○疏

日謂射訖弛弓納于韋中也

之子于釣言綸之繩

疏曰綸謂與之作繩也繩以生絲為

之

言其夫在家之時往獵射訖我則為之納弓于韋中

往釣我則為之綸作其繩今遠行從役久而不歸思其如此而不可得也

其釣維何

疏曰承上章釣文在下接而申之

維魴及鰾

魴音防鰾音叙魴解見陳衡門

鰾解見敝苟

維魴及鰾薄言觀者

觀今如字舊音貫○程子曰薄言發語辭

言其君子在家之時釣得魴鰾之魚傍有觀看者以人觀其夫善釣為榮也今久不歸故思而述之

采綠四章章四句

采芣苢幽王也不能膏潤天下

膏音誥

卿士不能行召伯

之職焉

召音邵○疏曰
召伯召穆公也

芄芄黍苗

芄音蓬芄芄從
補傳棧撲解

陰雨膏之悠悠南行

朱氏曰
悠悠遠

行之召伯勞之

勞去聲

首章總言營謝平淮二役蓋營謝平淮二役皆南行

之事也興也南方去周最遠故周人以南方之役為

勞四月之剌是也宣王之時召穆公既營謝邑又平

淮夷頻有事于南戎役勞矣而穆公能推宣王德意

以慰藉撫存之故存遠役而民不怨幽王君臣不恤

其民此詩思古言凡凡然短小而盛之黍苗有陰雨
以膏潤之悠悠然南行之人有召穆公以勞慰之刺
今不然也

我任我輦

任音壬輦音璉○箋曰有負任者有輓輦者
○疏曰任謂器物人所負持輦車人輓以行

我車我牛

箋曰有將車者有牽傍牛者傍去聲○疏曰
此轉運載任則是大車以駕牛者也在前曰

牽在傍曰傍上文將車謂車中有牛
而將之此牛不在轅中故別牽傍之

我行既集

箋曰集
猶成也

蓋云歸哉

丘氏曰蓋
不定辭也

二章言營謝之役蓋任輦車牛是工役之事也召穆

公之營謝也知役夫之勞故皆呼而諭之曰我負任者我輓輦者我將車者我牽傍牛者俟我南行營謝之功已成蓋云歸哉示以歸期安其心也

我徒我御

箋曰士卒有步行者有御兵車者

我師我旅

箋曰五百人為旅五旅為師春

秋傳云諸侯之制君行師從卿行旅從

我行既集蓋云歸處

三章言平淮之役蓋徒御師旅是兵行之事也

肅肅謝功

箋曰肅肅嚴正之貌○朱氏曰謝功謝邑之事也○謝解見崧高

召伯營之

箋曰營治也

烈烈征師

箋曰烈烈威武貌

召伯成之

四章以下又總言營謝平淮二役肅肅然嚴整者謝
邑之功實穆公營治之言營謝也烈烈然威武者征
行之師實穆公成之言平淮也

原隰既平

傳曰土
治曰平

泉流既清

傳曰水
治曰清

召伯有成王心則

寧

營謝有徹田土之事平淮有徹疆土之事皆相其原
隰之宜通其水泉之利此功既成宣王之心則安寧
矣

秦苗五章章四句

隰桑刺幽王也小人在位君子在野思見君子盡心以

事之

隰桑有阿

疏曰下濕曰隰桑宜在濕潤之所隰之近畔宜桑以今驗之實然也○曹氏曰桑有衣被

人之德○傳曰阿美貌

其葉有難

音讎○傳曰難然盛貌

既見君子其樂如

何

樂音洛

興也桑嘉木也可以為衣故南山有桑以喻賢者今

桑之在隰枝條阿阿然而美其葉又難然而盛喻君

子在野雖處窮約而英華發外也我若見此君子其樂如何哉樂君子如此見其惡小人深矣

隰桑有阿其葉有沃

長樂劉氏曰謂長茂光潤如膏之沃也

既見君子云

何不樂

隰桑有阿其葉有幽

如字○傳曰幽黑色也○疏曰言桑葉茂盛而柔輒則其色純黑

既見君子德音孔膠

傳曰膠固也○王氏曰其德音之所及人附離之甚膠固也

心乎愛矣遐不謂矣

箋曰遐遠也○今曰謂相與語也

中心藏之何日

忘之

心乎言由中也詩人言我出於中心愛此君子以君子遠在郊野不得相與語也凡懷人者滿懷欲言思得一見而傾寫之也我藏之於心何日而忘之乎謂思慕君子常在念也○舊說謂為思竭忠愛以裨補之賢者相與固有切磋忠告之益但此詩方思賢者以鄙在位之小人未暇言忠告之意

隰桑四章章四句

白華

音花

周人刺幽后也

箋曰幽后褒姒也

幽王取申女以為后

取如字○箋曰申姜姓之國也

又得褒姒而黜申后

褒姒解見正月

故下國化

之以妾為妻以孽代宗

孽魚列反○適子也○疏曰樹木斬而復生

宗

謂之孽以適子比根餘庶子比枝孽

而王弗能治周人為之作是詩也

為去

聲○箋曰王不能治已不正故也○曹氏曰孽妾子謂伯服也褒姒所生宗適子謂宜臼也申后所生

白華菅兮

菅音姦○璞曰菅茅屬○傳曰白華野菅也

已漚為菅○郭璞曰菅茅屬○陸璣曰似茅而滑澤無毛根

下五寸中有白粉者柔韌宜為索韌音乃與芻同○疏曰野菅漚之謂之菅固謂在野未漚者為野菅

白

茅束兮之子之遠

去聲○箋曰之子刺幽王也

俾我獨兮

陳氏曰我申后也下

同

興也白華柔韌宜為索則刈取之漚以為菅白茅不可用則以纏束白華而已菅喻后茅喻妾以賤承貴宜也今幽王亂貴賤之序而遠我使我窮獨失所也
周人代申后言之

英英白雲

傳曰英英雲貌露亦有雲○疏曰以今觀之有雲則無露無雲乃有露露亦有雲者露雲

氣微不映日月不得如雨之雲耳非無雲也若露濃霧合則清旦為昏亦是露之雲也

露彼菅茅

天步艱難

程子曰天步時運也

之子不猶

程子曰猶如也

首章既以菅茅喻后妾次章言王之恩澤當均及之

如白雲之覆露菅茅皆蒙潤澤也今天運艱難而幽王不如是也幽王不道而歸之天運謂已所遭之不幸耳

漉池北流

漉符鹿皮流二反○傳曰漉流貌○箋曰豐鎬之間水北流○疏曰言其北流是目所覩

豐在豐水西鎬在豐水東豐鎬之間唯豐水也○今曰此止言池非指豐水也浸彼稻田嘯歌

傷懷念彼碩人

丘氏曰碩人謂幽王也

池水漉然北流則止能浸彼在北之稻田耳喻幽王之澤有所偏也申后既黜嘯歌而至於傷懷以念王

也○鄭氏以碩人為褒姒詩記從丘氏以為幽王此
詩皆代申后之言則嘯歌傷懷當為申后念王也下
文言念子惓惓視我邁邁亦夫婦之辭也念與此念
字同

樵彼桑薪

錢氏曰取薪曰樵

邛烘于煨

邛音昂烘火東反煨音
譔○傳曰邛我也烘燎

也煨炷竈也炷音恚○郭璞曰今之三隅竈也○疏曰
炷者無釜之竈其上燃火謂之烘本為此竈止以燃火
照物若今維彼碩人實勞我心
之火爐也

桑者人之所賴以衣不宜以為薪今樵取之以為薪

又不以供爨炊而乃烘燎于炷竈止以照物猶棄妻之失職故申后念王而心勞也

鼓鐘于宮

疏曰鼓擊也

聲聞于外

問音

念子燥燥

音慘駢之上說文七

倒反○釋文曰燥燥愁不申也

視我邁邁

王氏曰邁邁然速我而不顧也

擊鼓于宮其聲則聞于外喻宮庭之事不可掩也我

念王則燥燥而愁不申王視我則邁邁而不顧

曹氏曰鼓

鐘于宮雖人之所不見而聲聞于外不可掩也幽王之廢申后必加以難明之罪人之所不見者而其心本主欲立褒姒則外之所明聞也豈可掩哉

有鶯在梁

鶯音秋○傳曰鶯禿鶯也○山陰陸氏曰性貪慾狀如鶴而大長頸赤目其毛辟水毒頭

高八尺善與人鬪好啗蛇劉楨魯都賦云綠鵲葱鶯鶯色蓋青也○疏曰梁魚梁也

有鶴在林維

彼碩人實勞我心

鶯似鶴而貪濁非鶴比也今鶯據魚梁而飽鶴遠引

在林而饑喻褒姒進而申后黜王清濁無別矣我申

后念王而心勞矣

鴛鴦在梁戢其左翼

解見鴛鴦

之子無良二三其德

鴛鴦在魚梁之上以右翼掩其左翼舉其雄者言之

鴛鴦能好其匹之子無良不一其德鴛鴦之不如也

有扁斯石

扁音褊○傳曰扁乘石貌王乘車履石○蘇氏曰扁卑貌○疏曰隸僕云王行則洗乘石

鄭司農云乘石所登上車之石也

履之卑兮之子之遠俾我底兮

底音抵○

傳曰底病也

有扁然而卑之乘石王履之以升車為用甚卑下喻

妾之賤也顧欲貴之於人上可乎今之子遠我而進

彼使我病也

曹氏曰漢成帝欲用趙飛燕為后劉輔諫曰腐木不可以為柱卑人不可以為

主

白華八章章四句

緜蠻微臣刺亂也

箋曰微臣謂士也古者卿大夫出行士為末介

大臣不用仁

心遺忘微賤不肯飲食教載之

飲食音蔭嗣

故作是詩也

緜蠻黃鳥

傳曰緜蠻小鳥貌○黃鳥解見葛覃

止于丘阿

傳曰丘阿曲阿也○疏曰丘之

曲中道之云遠我勞如何飲之食之教之誨之命彼後車

朱氏曰後謂之載之車副車也

興也古者大臣出使于外士之微賤者為介紹此詩

言緜蠻然小之黃鳥止於丘之曲而託息焉喻微臣

依託於卿大夫也我微臣跋涉遠道其勞如此將如
之何所望卿大夫能體恤飲食教誨車敗則命後車
以載之乃今不然也

繇蠻黃鳥止于丘隅

箋曰丘隅丘角也

豈敢憚行

箋曰憚難也去聲○今曰

憚辭難也畏不能趨

王氏曰趨疾行也

飲之食之教之誨之命彼後

車謂之載之

繇蠻黃鳥止于丘側

箋曰側旁也

豈敢憚行畏不能極

箋曰極至

也飲之食之教之誨之命彼後車謂之載之

縣蠻三章章八句

瓠葉

瓠音互

大夫刺幽王也上棄禮而不能行雖有牲牢

饗餼

饗音邕字亦作饗餼音戲○錢曰牛羊豕為牲繫養者曰牢熟曰饗腥曰餼生曰牽○疏曰牲可牽

已殺

行餼是不肯用也故思古之人不以微薄廢禮焉

觀賓之初筵知幽王君臣沈湎淫液過於燕飲故此詩極言簡儉之意以刺之若曰誠苟在焉亨瓠燔兔可以為禮何必酒池肉林長夜之飲乎蓋欲收歛之非欲開廣之也後序謂幽王有牲牢饗餼而不肯用

失之矣

幡幡瓠葉

幡音翻○傳曰幡幡瓠葉貌

采之亨之

亨音烹○箋曰亨熟也

君子

有酒酌言嘗之

瓠葉新生幡幡然可采取之亨熟之君子有酒以此為道與賓客酌而嘗之亦足以行禮何必縱情過度乎行禮不止於瓠兔極言簡儉之意耳

有兔斯首

蘇氏曰有兔斯首言一兔也○李氏曰兔以首言猶魚以尾言也

炮之燔之

炮音庖燔音煩○傳曰毛曰炮○疏曰地官封人云毛炮之豚注云燭去其毛而炮之傳直言炮當是合毛而

炮之爛似鹽反○曹氏曰新殺則合毛而炮之○錢氏曰凡肉置火中曰炮炙之曰燔近火曰炙○炮燔解見楚君

子有酒酌言獻之

蘇氏曰獻主人酌賓也

有此一兔雖非盛饌然或置火中而炮之或加置火上而燔之君子有酒以此為殽酌以獻賓亦足以行禮

有兔斯首燔之炙之

炙音隻○炙解見楚茨

君子有酒酌言酢之

傳曰酢報也○箋曰酢者賓既辛爵洗而酌主人也

有兔斯首燔之炮之君子有酒酌言醕之

醕音雛○傳曰醕道飲也

○疏曰醕者欲以醕賓而先自飲以道之此舉醕之初其賓飲訖進酒於賓乃謂之醕也

瓠葉四章章四句

漸漸之石

漸音讒

下國刺幽王也戎狄叛之荆舒不至

箋曰

荆謂楚也舒舒鳩舒舒庸之屬鄒音了○疏曰殷武云維汝荆楚已并言之是楚之稱荆亦已久矣傳有舒鳩舒鄒舒庸又有乃命將率東征率哀役久病於外故

作是詩也

漸漸之石

傳曰漸漸山石高峻

維其高矣山川悠遠維其勞矣武

人東征

箋曰武人謂將帥也

不皇朝矣

朝音潮

言過漸漸然險峻之山石維其高大矣又歷山川之
悠遠維其勞苦矣我武人東征久處于外不得朝見
天子雖在勞苦之地不忘君也

漸漸之石維其卒矣

卒鄭音卒在律反毛子恤反○箋曰卒崔嵬也○解見十月之交彼

卒作

山川悠遠曷其沒矣

傳曰沒盡也

武人東征不皇出矣

言所登歷何時可盡徧也深入險阻之地恐不得復
出也

有豕白蹢

音的○傳曰豕豬也蹢蹄也○釋獸曰四蹢皆白絺絺音絺胡來反○疏曰駭者躁疾之

言白蹢名之為蹢是蹢疾

烝涉波矣

箋曰烝衆也○錢氏曰永涉波見道

於餘永駭與駭字異義同

路之間多月離于畢

疏曰離歷也

俾滂沱矣武人東征不皇

有停潦

它它音他

永性負塗常時雖白蹢者亦汚於塗不見其白今武

人行役見永白蹢而羣然涉水是久雨而停潦多故

永蹢濯其塗而見白也停潦尚多雨歇未久而月離

于畢則又將雨矣厭苦多雨之辭也征役者以雨為

苦言不皇它及惟雨是憂耳

漸漸之石三章章六句

苕之華

苕音條
華音花

大夫閔時也幽王之時西戎東夷交侵

中國師旅並起因之以饑饉君子閔周室之將亡傷已

逢之故作是詩也

陳氏曰此詩其辭簡其情哀周室將亡不可救矣詩人傷之而已

苕之華

曰此苕陵苕也非陳防有鵲巢所謂旨苕也○釋草曰苕陵苕黃華華蘩白華蘩音標蘩蒲末

反○舍人曰黃蘩名蘩白華名蘩○陸璣曰一名鼠尾生下濕水中七八月中葉紫似今紫草葉可染皂莢以沐髮即黑○疏曰如釋草之文則苕華本自有黃有白而箋云陵苕之華紫赤而繁蓋就紫色之中有黃紫白紫耳及其將落則全變而黃

芸其黃矣

芸音云○傳曰苕將落則黃

心之憂矣維

其傷矣

興也陵茗之華將落則芸然其黃言如周室之將亡
黯然憔悴也我心所憂者傷周室之將亡也

茗之華其葉青青

音菁

知我如此不如無生

華已盡落唯葉青青然知我所遇之世如此不如不
生之愈也

牂羊墳首

牂音莊墳音汾○傳曰牂牁羊也墳大也

三星在留

音柳○箋曰三星心星也

罍解見魚麗

人可以食鮮可以飽

鮮上聲

言物產蕃息者多舉牝言之凡牝獸胎孕則腹大而見而首小今牝羊大首則是其身瘠而不孕也筭中有魚則水動而不見星今心之三星見於魚筭之中是設筭而不得魚也亂亡之代地愛其寶物產凋耗氣象蕭條故人僅可以食而少有得飽者召南小星三五在東傳以三為心唐綢繆三星在天傳以為參此詩三星無傳綢繆言昏姻之候故毛取十月參見東方三星之大而易見者莫如心此當為心也

茗之華三章章四句

何草不黃下國刺幽王也四夷交侵中國背叛

背音佩

用

兵不息視民如禽獸君子憂之故作是詩也

何草不黃

箋曰自歲始草生而出至歲晚矣

何日不行何人不將

鵲巢傳曰

將送也經營四方

自初春草青行役至秋無草不黃宜可休息矣今乃無一日不行役無一人不將送於道路以經營四方勞苦之甚無人不將指行役之衆也

何草不玄

長樂劉氏曰草之黃者又黑腐

何人不矜

音關○箋曰無妻曰矜

哀我

征夫獨為匪民

至冬則草之黃者又變而黑腐矣從役者久不得歸故謂之矜哀我征夫豈非民乎若以民視之則不虐之如禽獸矣

匪兕匪虎

兕詞之上濁○解見卷耳

率彼曠野

疏曰率循也傳曰曠空也

哀我征

夫朝夕不暇

承上章匪民言征夫非兕非虎何以使循曠野而朝

夕不得閒暇也

有芄者狐

芄音蓬○丘氏曰毛尾長貌

率彼幽草有棧之車

棧殘之上濁○

今日春官巾車云士乘棧車庶人乘役車注棧車不革輓而漆之役車方箱可載任器以共役傳以為此有棧之車役車也疏曰毛義以為此棧是車狀其說不分曉不若徑以為士之棧車也

行彼周道

狐則芄然毛尾長循彼幽草之中人非禽獸今士乘棧車行於周之道路與禽獸同非特民也

何草不黃四章章四句

詩緝卷二十四

欽定四庫全書

經部

詩經卷二十七

五至

詳校官監察御史臣孫家賢

通政使司副使臣莫瞻菴覆勘

總校官進士臣繆琪

校對官中書臣孫梅

謄錄監生臣莊寶琮

欽定四庫全書

詩緝卷二十五

宋 嚴粲 撰

天王之什

大雅

釋文曰自此以下至卷阿十八篇是文王武王成王周公之正大雅文王至靈臺八篇是文王之大雅下武至文王有聲二篇是武王之太雅

天王文王受命作周也詩記曰按呂氏春秋周公旦乃作詩曰文王在上於昭于天周

雖舊邦其命維新以繩文王之德熟味此詩信非周公莫能作也

此詩周公述文王之德業以戒成王也文王未嘗稱
王曰文王者追稱之也言受命作周者推本之辭也
作造也造周之王業猶康誥言肇造區夏也天命歸
於文王而文王退然不敢當故在文王時無受命之
說泰誓牧誓猶皆不言文王受命至大誥武成乃曰
我文考文王誕膺天命蓋武王既得天下之後推本
言之凡經中稱文王受命皆謂天命歸之而已文王
未嘗當而受之中庸記孔子之言曰武王末受命

武王末年方受命文王何嘗受命乎史遷因詩書有

受命之語因謂文王受命稱王而斷虞芮之訟漢儒

又雜以讖緯之說則亦誣矣

游氏曰泰誓稱文王為文考至武成然後稱文

考為文王則可知矣

文王在上於昭于天

於音烏。疏曰於歎美也。傳曰昭見也。見賢徧反。周雖舊

邦

王氏曰周受封自后稷則其為邦舊矣

其命維新

補傳曰始命以國今命以天下

有周

不顯帝命不時

傳曰不顯顯也。不時時也。○王氏曰不顯所以甚言其顯不時所以甚言其時

也

文王陟降

傳曰陟升也

在帝左右

首章述文王以天德受天命也大雅皆用王者之禮
周既追王文王此詩又推原受命之由而歸之故言
在上尊之也於乎其德昭見于天矣歎美其德之盛
言之不能盡也周自后稷以來為邦舊矣而天之命
周則維新始命之以有天下也周家豈不顯乎言王
業浸盛也天命豈不時乎言適當其時也蓋以文王
德合乎天升降進退常若在上帝之左右無一動之
非天也○鄭以大王遷岐始居周原不必如此拘也

周但言周家耳

亶亶文王

亶音尾。傳曰亶亶勉也。

令聞不已

聞音問。箋曰令善也。問聲聞也。陳

錫哉周

箋曰文王數思惠之施。左傳宣十五年詩曰陳錫載周能施也。李氏曰我語辭也。

侯

文王孫子

傳曰侯維也。補傳曰不曰子孫而曰孫子謂孫又生子言其遠也。

文王孫子

本支百世

傳曰本本宗也。支支子也。凡周之士疏曰士者下至諸侯及王朝公卿大夫總

稱

不顯亦世

朱氏曰不顯亦世猶曰豈不顯乎其亦世也。蓋言其傳世永久而不顯二字數之

以足其辭也

次章述文王德澤之遠也。亶亶純亦不已也。文王之

誠不已而令聞亦不已誠之著也陳錫敷施也推懷
保惠鮮之澤也言疊疊而繼以陳錫由精神心術而
達於政事設施同此一誠之運不誠則不溥也陳錫
於周者錫民也而及其孫子蓋文王惟知錫民而錫
民者乃所以錫孫子也欲成王知今日之享有天下
皆文王之澤而罔敢失墜也文王之孫子其本宗百
世為天子其支庶百世為諸侯盛德必百世祀也不
特孫子之盛如此凡周之士皆光明俊偉其德甚顯

亦世世相傳與周匹休焉

世之不顯厥猶翼翼

箋曰猶謀也。傳曰翼翼恭敬也。箋曰忠敬也。

思皇多

士

傳曰思辭也。詩記曰顏氏漢書注云皇美也。

生此王國王國克生維周之

楨

音貞。傳曰楨榦也。

濟濟多士

濟齊之上。詩記曰顏氏漢書云濟濟盛貌。

文王以

寧

三章述周士之盛也周之士世世相傳其德甚顯其

為君謀事翼翼然忠敬美哉衆士生此周王之國也

惟周王之國能生此衆士也生此王國天生之也王

國克生文王教化作成之也此多士為國之楨榦牆
恃榦而立國恃人而立故濟濟然衆盛之多士文王
賴之以為安也。釋詁云楨榦儀榦也舍人云楨築
牆所立兩木也王后維榦及維周之榦傳皆云榦也
疏云榦者築牆所立之木然則楨也榦也榦也一物
也字當作榦傳寫誤作榦鄭以此為榦事之臣失之
矣

穆穆文王

釋訓曰穆穆敬也。郭樸注曰容儀謹敬。

於緝熙敬止

於音烏。歐陽氏曰

緝續也。熙廣也。緝熙云者，接續而熙廣之。
也。○朱氏曰：亦不己之意。○疏曰：止語辭。假哉天命。
假音。

假。○蘇氏曰：有商孫子其麗不億。
曹氏曰：有之也。

曰：麗附也。○今曰：附麗言其上帝既命侯于周服。
今曰：本詩。

侯。文王孫子侯于周服，皆為發語之辭。
孔申毛義作維是也。服謂有職事也。

四章述文王以敬德受命代商也。文王盛德之容其

敬穆穆然，於是歎美文王之心，能緝續熙廣其敬矣。

蓋形諸外者，皆其根諸中者，表裏一始終一也。穆穆

者，中庸之齊莊有敬，即雖雖在宮肅肅在廟也。緝熙

敬止者中庸之至誠無息即純亦不已也所可見者
容也故穆穆足以形容之所難言者心也故緝熙不
足以盡而又以於發之太哉天之命文王使之臣有
商家之孫子也文王之時未能有商之孫子蓋推原
周之代商由於文王故以為文王能有之也商之孫
子其附麗之者實繁有徒不止於一億泰誓所謂受
有億兆夷人武成所謂受率其旅若林也然上天命
商孫子維于周而服職其徒黨雖衆不能勝天也故

孔子云仁不可為衆也

朱氏曰此詩之首言文王之昭于天而不言其所以昭次

章言其令聞不已而不言其所以聞至于四章然後所以昭明不已者乃可得而見焉然亦多詠嘆之言而語其所以為德之實則不越乎敬之一字而已然則後章所謂脩厥德而儀刑之者豈可以他求哉

○釋詁云穆穆美也釋訓云穆穆敬也是穆穆有二

訓也少儀言語之美穆穆皇皇曲禮天子穆穆諸侯

皇皇鄭注皆以為容止之貌郭璞注穆穆云容儀敬

謹是穆穆有美敬二訓而皆為容儀也○舊說以侯

為君謂為君於周九服之中此解侯于周服則順解

侯服于周則不通今考釋文云服事也用也故為臣而見用謂之服言服行其職也曲禮云父服官政酒誥云服休服采多士云有服在百僚多方云有服在大僚多士多方皆誥殷士而謂之有服言其見用之意即此詩所謂商之孫子侯于周服也

侯服于周天命靡常殷士膚敏

傳曰膚美也敏疾也

裸將于京

裸音

貫。傳曰裸灌鬻也周人尚臭將行也。疏曰郊特牲云周人尚臭尚臭者一代之禮文王之時未必已然亦可據後而言也以裸是祭禮當頒行之故言將行也宗廟之祭以裸為主於禮王正裸而後亞裸天官小宰凡

祭祀贊裸將之事注云又從太宰助王裸言太宰贊王
小宰贊太宰是裸將之事有臣助之矣此舉裸將以表
祭事見殷士助祭耳不必專助行裸也。朱
氏曰京周之京師也。京師又解見公劉。厥作裸將

常服黼皐

音甫許。董氏曰常服則不變其服存商制
也。黼解見采叔。疏曰周冕無績黼之飾

則殷皐亦不以黼為飾黼自衣服之所有也殷之諸侯
祭服亦九章而下不止於黼舉一章以表之耳。董氏
曰黼黼於裳雖章數不同皆以黼為裳也。傳曰皐殷
冠也夏后氏曰收周曰冕。疏曰郊特牲及士冠禮皆
云周弁殷皐夏收故知皐殷冠也彼云周弁此云冕者
以周自大夫以上祭物皆用冕服故傳以冕言之實冕
而謂之弁者周禮弁師注云弁古冠之大
號官名弁師職掌五冕故知弁是大名也王之蓋臣
音蓋
燼從韻。箋曰王斥成王。傳曰蓋進也。詩記曰蓋
者忠愛之篤進退無已也。朱氏曰蓋以戒成王而不

敢斥言故以蓋臣言之猶所謂敢告僕夫云耳

無念爾祖

傳曰無念念也○疏曰爾祖文王也

五章述殷士裸將之事以為戒也商之孫子而維服職于周見天命之不常惟德是歸也殷士總言商之孫子及其舊臣猶書稱爾殷遺多士及茲殷庶士也裸為以鬯酒獻尸尸受酒而灌於地以降神也行裸之禮謂之裸將殷士之膚美而敏疾者乃裸獻行禮于周之京師以助周祭其作裸將也服殷之常服黼裳而冔冠也黼裳商周所同黼裳冔冠則商之制也

王者尊先代之後不變其服亦因以為戒也故呼成
王忠蓋之臣而告之曰得無念爾祖文王乎謂不以
文王為念則將墜厥緒周之孫子及其臣又將服周

之服而助祭于他人之廟矣

詩記曰前漢劉向上疏云孔子論詩至於殷士

膚敏裸將于京喟然嘆曰大哉天命善不可不傳于
子孫是以富貴無常蓋傷微子之事周而痛殷之亡
也
○郊特牲云灌以圭璋注云灌謂以圭瓚酌鬯始

獻神也論語禘自既灌而往朱氏解云灌者方祭之
始用鬯鬯之酒灌地以降神也字皆作灌洛誥王入

太室裸夏氏解云裸灌也謂以圭瓚酌於爵以獻尸
尸受酒而不飲因灌於地故謂灌也然則因其灌之
於地故名之為裸經字作灌古字通也祭統云祭有
三重焉獻之屬莫重於裸郊特牲又云既灌然後迎
牲是裸為祭祀之始故為重也小宰注云人道宗廟
有裸天地大神不裸○此詩裸將于京及大明曰嬪
于京于周于京毛氏皆以為大取公羊衆大之說謂
京師也又以思齊京室之婦為王室亦京師也鄭氏

唯裸將于京從毛說其餘以為周地之小別名皇矣
依其在京毛以為大阜鄭還以為周地名公劉乃覲
于京京師之野于京斯依毛以為大眾所宜居之地
鄭以為丘之絕高者公劉居豳所言京自是高丘非
岐周地名之京若周都稱京師則因岐周地名之小
別而稱之大雅作於成王之時皆用王者之禮從後
稱為京師也

無念爾祖聿修厥德

聿音適○朱氏曰聿發語辭○詩
記大明解曰左傳注云聿惟也

永言配命

箋曰永猶常也。○蘇氏終風解曰言辭也。○疏曰天以王者為配。○詩記曰王者代天理

物操典禮命討之柄以臨天下故曰配命又曰配上帝

自求多福殷之未喪師

喪去

聲○箋曰

克配上帝宜鑒于殷駿命不易

駿音峻又音俊易毛音異

師衆也

鄭音亦○傳

曰駿大也

六章戒成王念祖而鑒殷也成王得無念爾祖文王

乎苟念之在修德而已修德則能長配天命而自求

多福矣配命謂王者與天為配天太王亦大也天之

付與萬物謂之命王者宰制天下亦謂之命以王者

之命配天之命也。自求多福，謂求諸己而不求諸天也。德者，民心之所歸，得民斯得天。故殷未失其民之時，能配天矣。配命，言其用配天，言其體其意一也。後人不修厥德，則失其民，而天命去之，宜以殷為鑒，則知大命之難矣。孟子曰：桀紂之失天下，失其民也。

詩記

曰大學云：詩云：殷之未喪師，克配上帝。儀鑒于殷，峻命不易。道得衆則得國，失衆則失國。

命之不易，無過爾躬。

過於葛反。傳曰：過止也。朱氏曰：絕也。

宣昭義問

疏曰

宣昭布明也。箋曰：義問以禮義問，老成人。

有虞殷自天

箋曰：有又也。傳曰：虞度也。

上

天之載

傳曰載事也

無聲無臭

釋文曰臭凡氣之總名

儀刑文王

朱氏曰儀

象也。傳

曰刑法也萬邦作孚

傳曰孚信也

七章申六章鑒殷法祖之意也天命不易矣無使過絕於爾身當宣布昭明以義理詢問於人而又虞度殷之所以自天者殷之亡也實自於天天命無私可以為鑒也鑒殷之所以失必法文王之所以得四時行百物生天之事也而無聲音臭氣之可求惟儀象刑法於文王則萬國孚信之矣文王即天也

文王七章章八句

大明文王有明德故天復命武王也

朱氏曰此亦周公戒成王之詩。李

氏曰大雅之詩則謂之大明小雅之詩則謂之小明

明明在下

今曰重言明者至著也

赫赫在上

今曰赫赫顯而可畏之意

天難忱

斯

傳曰忱信也

不易維王

易毛音異鄭音亦。今曰不易水傳無音駿命不易毛音異此亦音

異矣命不易哉同疏以毛亦如字非也

天位殷適

音的

使不挾四方

挾朱如字毛音

決。朱氏曰挾謂挾而有之。錢氏曰挾猶持也

首章專述天命喪殷之事也首二句泛言天人之理

明明在下君之善惡不可掩也赫赫在上天之予奪
為甚嚴也在下而明明則達乎上在上而赫赫則監
乎下天人相與之際甚可畏也是故天難信而不可
恃為君豈不難哉觀紂居天位而又為殷之正適以
不脩厥德乃使不得有其天下斯可見矣

詩記曰天位殷適使

不挾四方則下所陳眷顧周家有加無已者非天私
我有周也哉者培之傾者覆之因其材而篤焉耳

○舊說以明明在下為文王非也首章先泛言天人之理然後及殷亡之由為美文武張本次章乃述大

任生文王其後乃又述文王生武王及伐殷之事以成首章之意其言皆有次序也

摯仲氏任

摯音至任音壬○傳曰摯國任姓仲中女也中去聲

自彼殷商

朱氏曰殷商商

之諸侯也自周而言則諸侯皆商也

來嫁于周曰嬪于京

嬪音頻○傳曰嬪婦也○朱氏

曰京周京也○京考見文王京師解見公劉

乃及王季

傳曰王季大王之子文王之父也

維

德之行大任有身

大音泰○王氏曰摯仲氏任繫其夫而言大任繫其子而言○傳曰身重

也○箋曰謂懷孕也生此文王

次章述大任生文王也摯國中女任氏從殷商之地

來嫁于周將述商亡而周興故以摯繫商與周對言

之也曰嬪于京謂以婦道見稱於周也乃配王季而

與行德同志意也於是大任有身而生文王

朱氏曰將言文

王之聖而追本所從來者如此蓋曰自其父母而已然矣

○書嬪于虞謂能行婦

道也毛以京為大謂京師鄭以為周國之地小別名

蓋謂王季時其居未得稱京師也然大雅作於成王

之時皆用王者之禮從後稱周京耳

維此文王小心翼翼

箋曰翼翼恭慎貌○朱氏曰小心翼翼即前篇之所謂敬也

昭

事上帝

箋曰昭明也

聿懷多福

聿解見文王。蘇氏曰懷來也。

厥德不回

朱氏

曰同邪也

以受方國

三章言文王之德天人所與也文王小心翼翼然恭敬以明事上帝至誠之運與天周旋也遂能懷來多福益其德不回邪故受此四方侯國之歸也有一毫覬倖之心則邪矣

天監在下

箋曰監視也

有命既集

傳曰集就也。曹氏曰翔而後集之集言有所擇而

就也

文王初載

朱氏曰載年也

天作之合

傳曰合配也

在洽之陽

洽音

峽。傳曰：洽水也。

○釋文曰：馮翊有郃陽縣，應劭云在

洽水之陽。郃音洽。○穀梁傳曰：水北為陽。○朱氏曰：洽

水本在今同州郃陽，夏陽縣今流已絕。

在渭之涘。

○音侯

故去水而加邑，渭水亦逕此入河也。

○渭

解見邠谷風。○傳曰：涘，厓也。解見王葛藟。○李氏曰：國

語鄭語云：前河後華。韋昭注云：華國也。左傳：僖公二十

八年，城濮之戰，晉侯登有莘之墟。杜元凱注云：莘，故國

名。今此詩云在洽之陽，在渭之涘，則是馮翊之間，與鄭

衛之地全不相干涉，當以此

文王嘉止。

朱氏曰：嘉

大邦。

詩為證。左傳：國語闕之可也。

文王嘉止。

朱氏曰：嘉

大邦。

有子。

朱氏曰：大邦，莘國也。子大姒也。大姒之大音泰。

○今曰：子女也。論語以其子妻之女亦稱。

四章述天生大姒以配文王也。文王有盛德而天監

之於下，大命集焉。文王初年，天為生配在洽水之北。

渭水之涯指華國也當文王嘉禮之時而華國有賢

女殆非偶然天實為之

朱氏曰將言武王伐商之事故此又推其本而言之

大邦有子覲天之妹

覲牽之去又音峴胡典反○說文曰覲譬也

文定厥祥

朱氏曰文禮也祥吉也○箋曰卜而得吉則以禮定其吉祥謂使之納幣也

親迎于渭

迎去聲

造舟為梁

造音慥○傳曰天子造舟諸侯維舟大夫方舟士特舟○箋曰天子造舟周制也殷時未

有等制○疏曰李巡云比其舟而渡曰造舟中央左右相維持曰維舟併兩船曰方舟一舟曰特舟孫炎云比舟為梁也然則造舟者比船於水加版其上即今之浮橋文王敬重昏事始作而用之後世以文王所用故制為天子不顯其光法耳

五章述文王親迎之事也大邦有賢女譬天之妹尊
之之辭也卜而得吉則以禮文定其吉祥而納幣焉
文王親迎于渭水之傍其渡渭也敬重昏事比舟為
橋梁傳曰乘船危就橋安所以去危而就安也豈不
顯其光輝乎程子曰先儒以親迎于渭謂天子須親
迎文王親迎時乃為公子未為君也况
周國自在渭
傍不是出疆

有命自天命此文王于周于京

京考見
文王

纘女維莘

纘音
纂○

傳曰纘繼也
莘大姒國也

長子維行

長上聲○傳曰長子長
女也○行解見邢泉水

篤生武

王

傳曰篤厚也。○王氏曰天既生文王又生武王是之謂篤。中庸云天之生物必因其材而篤焉。保右

命爾

右音祐。○傳曰右助也。

變伐大商

○變蘇接反。○傳曰變和也。○陳氏曰變伐有和順之

意順天命以伐商也

六章述大姒生武王也有命自天而降命文王於周

之國於京之地矣謂興王業也周為國號京其所都

之邑也能繼大任之女事者惟此莘國以其長女來

嫁也天又篤厚之使生武王既生文王又生武王是

眷周之厚故言篤生保安之右助之而命之以伐商

以順而動因天人之所欲是之謂變伐

王氏曰言大商所以大文

武之德以為高大矣非德之大不能伐之也

殷商之旅

傳曰旅衆也

其會如林

會如字舊音膾○疏曰會聚也

矢于牧野

傳曰矢陳也

○疏曰牧野紂南郊地名○釋文曰牧野在朝歌南七十里

維予侯興

箋曰侯諸侯也

○朱氏曰予侯猶云我后也商人之稱武王也

上帝臨女

音汝○箋曰臨視也

無貳爾心

長樂劉氏曰貳疑貳也○朱氏曰武王非必有所疑也設言以見衆心之同非武王之得已耳

七章述武王伐商也牧野之戰殷商之衆其會聚如

林木之盛陳于牧野雖衆而不為用維欲我侯武王

之興此商衆且謂武王曰上帝臨視於爾爾勿疑貳
而不進承上文殷商之旅設為商衆告武王之辭見
商民固不欲喪而惟恐武王之不至也衆心所同即
是天意伐商之事非特周人所欲亦商人所望武王
順天應人而已武成言受率其旅若林會于牧野罔
有敵于我師前徒倒戈攻于後以北此詩所陳皆事
實也

牧野洋洋

音羊。傳曰
洋洋廣也

檀車煌煌

音皇。疏曰檀木之
兵車。傳曰煌煌明

也

馬駮彭彭

駮音元彭如字音棚考見出車○傳曰駮馬白腹曰駮上周下殷也○疏曰郭璞云

駮赤色黑鬣也檀弓說三代乘馬各從正色而周不純

亦明其有義故知白腹為上周下殷戰為二代革易故

見此義檀弓亦言戎事乘駮明非戎事不然

因此武王所乘遂為一代常法彭彭彊盛也維師尚父

傳曰師太師也尚父可尚可父○朱時維鷹揚

氏曰太公望為太師而號尚父也

涼彼武王

涼音亮○傳曰涼佐也肆伐大商

箋曰肆故令也○朱氏曰遂也○肆解見

緣會朝清明

箋曰會合也○曹氏曰武成云陳于商郊侯天休命孔安國云休命謂雨止畢陳也

六韜云武王東伐至河上雨甚雷疾太公

率衆先涉然則至畢陳乃雨止而清明

八章終上章伐商之事言得天人之助也牧野之地

洋洋然寬廣非用權詐間道襲之也檀木之兵車煌
煌然鮮明其駟馬乘驪彭彭然彊盛既整且暇所謂
堂堂之陣也太公望為太師而號尚父如鷹之飛揚
奪擊而無所畏以佐武王而伐商會戰之朝乃雨止
而清明是天相之也史載行師以雨敗者多矣故以
會朝清明為得天助太公先涉畢陳而雨止故以尚
父鷹揚發之

大明八章四章章六句四章章八句

繇

彌延反韻
亦作綿

文王之興本由大王也

大王遷岐而人心歸之肇基王迹故曰文王之興本

由大王也

繇繇瓜瓞

音迭○傳曰繇繇不絕貌瓜紹也瓞瓞也瓞

似瓞故謂之瓞繇繇然若將無長大時○疏曰瓜瓞瓜紹之瓞也繇繇微細之辭瓜之族類本有二種大者曰瓜小者曰瓞而瓜蔓近本之瓜必小於先歲之大瓜以其小如瓞故謂之瓞瓞是瓞之別名故云瓞瓞也近本之實言紹者繼先歲之瓜猶長子之繼父瓜實近本則小今驗信然後稷乃帝嚳之胄是嚳為瓜而稷為瓞自稷以下祖紺以前皆為瓞紺音賴○朱氏曰瓜之近本初生者常小至末而後大○曹氏曰不窋值夏后政衰

去稷不務不窳以失其官而奔戎狄之間三世而至公
劉公劉以前微弱甚矣僅能不絕其緒故以繇繇爪蹏

況之窳

民之初生

今曰生

自土沮漆

音趨七○朱氏曰
自從也土地也言

周人始生在此沮漆之地也○傳曰沮水漆水也○疏
曰不窳之時已嘗失官逃竄幽地猶尚往來郇國未即
定居於幽至公劉而盡以郇民遂往居焉是定國於幽
自公劉始也大王之基王業在於岐周始盛由未逮已
得民心故云生王業也此沮漆謂在幽地但二水東流
亦過周地故下傳云周原沮漆之間是周地亦有沮漆
也○詩記曰漢地理志右扶風枸
邑注云有幽鄉詩幽國枸音荀
古公亶父
父音甫○
傳曰古公亶父也古言久也亶父字或殷質以名言也
○疏曰亶父大王也言其年世久故曰古公猶言先公
也大王追號為王不稱王而稱公者
陶復陶穴
復音福
○箋曰
此本其生時之事故言生存之稱也

復者復於土上鑿地曰穴皆如陶然○疏曰陶瓦器竈也覆者地上為之取土於地復築而堅之穴者鑿地為之土無所用直去其息土而已七月云入此室處即幽事也豈十世之內常穴居乎但幽近西戎處在山谷其俗多復傳曰室內曰家○疏曰未有家室宮謂之室其內謂之家

首章述大王初居幽之事也興也言周之初如緜緜然不絕之瓜瓞也周帝嚳之後如大瓜之種中嘗哀小如近本之瓜則小也瓜種之小者曰瓞此本大瓜之種以其近本者如瓞之小故以瓜瓞言之然瓜至末則復大喻周至大王文王而復興也將述大王復

興之事言此周民初遂其生乃在地之沮漆沮漆二
水名言地之沮漆者謂其地在二水之間指豳國也
居此地者乃是古先之公號亶父者纔取土於地覆
築而堅之為土屋以居謂之復或鑿地而居謂之穴
二者皆若瓦器之竈故謂之陶豳民之初未有宮室
之安也。沮漆名稱相亂水經云沮水出北地郡直
路縣東過馮翊投羽縣投音對
羽音調北東入於洛此沮水
之源流也漢志扶風有漆縣漆水在縣西東入渭又

關駟十三州志云漆水出漆縣西北至岐山東入渭
此漆水之源流也沮出北地入洛漆出扶風入渭沮
自沮漆自漆也至孔氏引水經云沮水俗謂之漆水
又謂之漆沮此則名稱相亂矣諸家書解以出扶風
之漆水與出北地之漆水為二謂扶風之漆水至岐
山入渭在澧之上游而書言渭水會澧會涇之後乃
過漆沮則漆沮在澧水涇水之下游故以書之漆沮
為出北地之漆沮與詩扶風之漆別也但水經出北

地者止是沮水而謂之漆沮耳如上所言則詩之漆沮自是二水書之漆沮止是一水即詩之沮也然水經之沮入洛書之漆沮則入渭沮水若為漆沮一名洛水則漆沮即洛也而又云入洛何也姑闕之以俟知者此詩言沮漆指豳國是漆沮之上游也下文言周原傳以為漆沮之間指岐周是漆沮之下流也吉日及潛頌言漆沮指鎬京當亦去岐周不遠也疏云漆沮二水在豳地但二水東流亦過周其說是也

古公亶父來朝走馬

蘇氏曰朝早也。○疏曰早朝之時疾走其馬。○詩記曰來朝走馬形

容其初遷之時略地相宅精神風采也。鄭氏以為避惡早且疾苟如是之迫遽則豈杖策去邠雍容之氣象哉

率西水滸

音虎。○傳曰率循也。滸水涯也。○滸解見玉篇

至于岐下爰及姜

女

箋曰爰於也及與也。○傳曰姜女大姜也

聿來胥宇

蒲田鄭氏曰聿遂也。○傳曰胥相也字居

也相去聲

次章大王相宅於岐也大王圖事敏疾其來之朝疾

走其馬循西方水涯漆沮之側東行而至於岐山之

下於是與其妃太姜遂來相可居者

李氏曰相宅非婦人之事妃之

所為必有
大過以者

周原膺膺

音武。傳曰：周原沮漆之間也。膺膺，美也。箋曰：廣平曰原，周之原地在岐山之南。膺膺。

然肥

莖茶如飴

莖茶音謹，徒飴音移。傳曰：莖菜也。今曰：內則云莖莖粉榆，注云莖似莖而

葉大，又公食禮銅莖皆有滑，注云滑莖莖之屬。說文云莖根如薺，葉如細柳，蒸食之甘，是莖為美菜也。有醬箋云：蕭如今賣餚者所吹，疏云：飴謂之餚。釋文云：乾糖也。後漢明德馬后云：含飴弄孫。莖音九，餚夕清反。

始爰謀爰契我龜

契音棄。傳曰：契，開也。疏曰：契，開者言契龜而開，出其兆，非訓契為開。

也。春官華氏掌三燂，契以待卜事。注云：士喪禮云：楚燂置于燂，在龜東。楚燂即契所用灼龜者也。燂謂炬其存火也。士喪禮注云：楚，荆也。然則卜用龜者以楚燂之木燒之于燂，炬之火既然，執之以灼龜。故箋云：契灼其龜。

而卜之既契乃開出其兆故春官卜師掌三《三》之四兆注云開謂出其占書也是既契乃開之但傳文質略直言契開耳並誰之上半濁半清音爵吐敦反曰止曰時築室于茲

三章述大王定宅於岐也內則言婦養舅姑公食禮言君待其臣則以董則董是美菜也七月言食農夫以茶則茶非美菜也雨露所濡甘苦齊實周之原地膾膾然肥美所生董茶皆甘如飴言美惡皆宜也大王見此地可居於是始起意而圖之謂謀及乃心也於是謀之於衆謂謀及卿士庶人也又以楚木然火

謀之契者契灼其龜而卜之謂謀及卜筮也曰者龜
告之兆告以宜於此居止又告以時日之吉於是築
室于此而遷居之也○孔氏謂董即烏頭且引晉語
驪姬寘鴆於酒寘董於肉以為證蓋以此董為爾雅
皮董之董也及音說者皆祖之若為驪姬寘肉之董
則與鴆毒同類與茶菜可食之物非其類矣且詩人
稱周原之美當言宜稼宜蔬不應言其宜毒物也茶
雖苦得霜而甜脆故可言如飴烏頭毒物不可食何

由知其如飴乎賈山言江皋河濱雖有惡種無不猥
大地之美者能使物無美惡皆猥太耳安能變毒物
而為美物毛氏以堇為菜不言毒物釋文言堇蒸食
之甘知為內則及公食禮堇苴之堇非爾雅及堇之
堇也

廼慰廼止廼左廼右

蘇氏曰左右東西列之也

廼疆廼理

疆理解見信南山

廼宣廼畝

蘇氏曰宣道溝洫也畝度廣狹也

自西徂東

箋曰徂與周原不能為西東據

至時從水滸而言也○疏曰蘇在周原西北而經言自西據至周之時從水滸而言也鄭志云蘇地今為柁邑

縣西南行正東乃得周岐山在長安西北四百里函又在岐山西北四百里如志此言發函西南而行從沮水之南然後東行以至周也

周爰執事

朱氏曰周徧也。傳曰爰於也。○今日猶周爰咨諏箋以為於

周執事
今不從

四章述定民居治田畝也既築室于茲矣廼慰勞之
廼安止之上文曰止則龜告以宜居於此此言廼止
則遂安居於此成龜告之意也廼處之於左廼處之
於右公宮在中而民居左右也民居既定則治田事
廼疆則畫其經界廼理則分其土宜廼宣則道其溝

洫廼畝則度其廣狹於是人皆從西往東徧執事矣

言競出力也

乃召司空

箋曰司空掌營國邑。疏曰司空之屬有匠人其職有營國廣狹之度廟社朝市之位。

曹氏曰量地以制邑度地以

乃召司徒

箋曰司徒掌徒役之事。疏曰

居民司空之職故先召之

司徒之屬有小司徒其職云凡用衆庶則掌其政教。曹氏曰致衆庶令徒役司徒之職故次召之 俾立

室家其繩則直

傳曰言不失繩直也。疏曰繩無不直而云其繩則直言不失繩之直也。曹

氏曰審曲面勢直必以繩

縮版以載

疏曰郭云縮縛束之也。箋曰載上下相承而起

作廟

翼翼

傳曰君子將營宮室宗廟為先廡庫為次居室為後。疏曰翼翼嚴正也。今曰翼翼整齊也

五章述將營宮室先作宗廟也司空掌營國邑司徒掌徒役之事故召之使立室家之位處以繩正之揆其基址則方正而直矣依此繩直之處起而築之以繩縮束其築板板滿築訖則升下於上以相承載作此宗廟翼翼然而整齊

抹之陜陜

抹音俱陜音仍○錢氏曰抹取土也謂盛土於簣也簣力追反○疏曰簣者盛土器○傳

曰陜陜

度之薨薨

度音鐸○箋曰度猶投也○疏曰薨薨聲也○董氏曰薨薨如蟲之聲則

聲之衆也

築之登登

陳氏曰登登漸高也

削屢馮馮

音憑○蘇氏曰削屢重復削治也○

長樂劉氏曰謂牆成就版削其堅凸以就平直凸音迭
○張氏曰馮馮削土聲○朱氏曰其聲馮馮然堅也

百堵皆興

百堵鮮見鴻鴈箋曰興起也

磬鼓弗勝

磬音羔勝音升○磬鼓解見鼓鐘○

傳曰磬大鼓也弗勝言勸事樂功也○箋曰不能止之使休息也○疏曰其間欲令食息不能止之

六章述遂作宮室也築牆之時取土而實之於器者

墮墮然衆多既取得土送至牆上牆上之人受而投

之板中甍甍然其聲之衆既投之版中築之者登登

然積累而上則牆漸高矣牆成而重復削治之其聲

馮馮然堅也五板為堵百堵皆同時而起上章言縮

版者作廟也此言築者營宮室也民皆勸事樂功競
欲出力其間欲令食息擊磬鼓以為節不能勝而止
之言大王之得民心也

廼立臯門

臯音羔○傳曰王之郭門曰臯門○疏曰宮之外郭之內

臯門有伉

音杭○傳

曰伉高貌

廼立應門

傳曰王之正門曰應門美大王作郭門以致臯門作正門以致應門焉○疏曰

孫炎云謂朝門也明堂位云庫門天子臯門雉門天子應門魯以諸侯而作庫雉則諸侯無臯應故以臯應為王門之名也○朱氏曰書天子有應門春秋書魯有雉門禮記云魯有庫門家語云衛有庫門皆無云諸侯有臯應者則臯應為天子之門明矣意者大王之時未有制度特作二門其名如此及周有天下遂尊以為天子

之門而諸侯不得立也

應門將將

音鐸。傳曰將將嚴正也。

廼立冢土

傳曰冢土大社

也起大事動大衆必先有事乎社而後出謂之宜美大王之社遂為大社也大社之大音泰。疏曰大社者天子社名諸侯不得稱大社也冢土非諸侯之社云遂為大社皆言大王所作遂為文王之法也孫炎云大事兵也其祭之名謂之為宜宜求使見祐也祭法云王為羣姓立社曰大社郊特牲云天子大社必受霜露風雨以達天地之氣也大社之名唯施於天子戎醜攸行也傳曰戎大醜衆也

七章言作門社也大王乃立其宮之郭門其郭門伉

然高大後遂為天子之臯門乃立其宮之正門其正

門將將然嚴正後遂為天子之應門臯門應門皆從

後稱之耳乃立大社為動大衆則告之而行也大王

所立門社皆諸侯之制後乃為天子門社之名

肆不殄厥愠

釋詁曰肆故也肆故今也郭璞注肆既為故又為今○今曰非謂肆為故今也○朱

氏曰肆猶遂也承上起下之辭○蘇氏曰殄絕也愠怒也○陳氏曰豈忘狄人之愠也亦不隕厥

問傳曰隕墜也○箋曰小聘柞械拔矣柞械拔音鑿域

也即唐鵠羽所謂羽也解見鵠羽○械釋木曰械白桺

桺音綏○郭璞曰桺亦小木也叢生有刺實如耳瑞紫

赤可啖○陸璣疏曰王蒼說械即柞也其材理全白無

赤心者為白桺直理易破可為犢車輻又可為矛戟

今人謂之白桺或曰白柘此二說不同未知孰是○曹氏曰拔遂茂也行道允矣曹氏曰

也混夷駢矣

混音昆駢音退從韻也釋文音允○說文曰駢馬疾行也○傳曰突也

維其

喙矣

喙許穢反○釋文曰喙口也○呂氏曰張喙而息也奔趨者其狀如此

八章述大王能調服昆夷也不絕愠怒昆夷之心內

為之備也然新遷之國未能與夷狄較亦不廢其聘

問鄰國之禮外與之和也內備外和待夷狄之道盡

矣及乎自治既至國勢益彊柞棫之木拔然遂茂行

道之人允然和說則昆夷奔走竄伏張喙以息矣此

形容昆夷遠避不侵犯之意耳

詩記曰軍國之容雖備然大王猶未敢輕

用其民也至於王業光大而不可掩邠關之內鬱鬱
蔥蔥輪蹄輻湊則昆夷不待攘斥自奉頭鼠竄之不
暇笑○此章鄭氏以為指文王蓋見孟子言肆不殄厥

愠亦不隕厥問文王也遂以此章為文王耳非也大
王始居於豳則北有獫狁之侵既遷於岐則西有昆
夷之擾北狄大而西戎小豳地迫近彊狄若以力爭
傷人必多大王所不忍也故去豳而遷岐至若昆夷
惟不殄不隕內備外和彼自不能為患矣此詩述大
王本末謂雖退避於豳而能植立於岐也文王之始

猶事昆夷則大王遷國之初雖為之備寧能遽絕其
問乎此章以上皆言大王下章述虞芮之事提出文
王蹶厥生方言文王耳陳氏謂孟子借之以說文王
鄭氏踵之以為文王之詩其說是也下章論文王之
事獨舉虞芮者謂遷岐之後治道脩明傳至文王之
時人心皆歸周矣雖虞芮猶且質成昆夷何能為梗
乎結避狄遷岐之事也文王之興實因大王之遷岐
故序曰本由大王也

虞為質厥成

為音柚。蘇氏曰虞在陝之平陸為在同之馮翊平陸有開原焉則虞為之所讓也

○曹氏曰漢地理志河東大陽縣有吳山其上有吳城周武王封泰伯於此是為虞公其後為晉所滅又馮翊臨晉縣有為鄉故為國是虞為二國皆在岐周之東也○今日質正也論語就有道而正焉謂求正之也毛以成為平謂曲直得其平則無爭也

文王蹶厥生

蹶音貴。疏曰蹶動也。今日生者本然之良

心與生俱生者以其生生不窮故謂之生猶孟子言生則烏可已○傳曰虞為之君相與爭田久而不平乃相與曰西伯仁人也盍往質焉乃相與朝周入其境則耕者讓畔行者讓路入其邑男女異路班白不提挈入其朝士讓為大夫大夫讓為卿士國之君感而相謂曰我等小人不可以復君子之庭乃相讓以其所爭田為間田而退天下聞之而歸者四十餘國

子曰有疏附

傳曰率下

親上曰疏附○疏曰率疏者令親附

子曰有先後

先後皆去聲也○傳曰相道前後曰先

予

曰有奔走

如字○傳曰喻德宣譽曰奔奏○疏曰喻天下以王德宣揚王之聲譽使天下皆奔走而

歸趨

子曰有禦侮

傳曰武臣折衝曰禦侮

九章述文王有虞芮質成之事也虞芮二國之君以

爭田之訟質正而求其平意謂文王所定曲直必無

偏陂也文王有以感動其本然之良心乃使之自忘

其爭焉人之良心如木之有根生生不窮故謂之生

虞芮以忿爭汨其良心如木有物以閼

音遏

其生理不

得遂其暢茂然其所謂生生不窮者未嘗絕也迨夫感文王之化而翻然自悟如去其壅闕而生意沃然矣一念既改百行萬善皆由是而充之此之謂蹶厥生言撥發其生意也非有以增益之皆彼所自有也詩人推原致化之妙以為我謂其有䟽附之臣而致之歟我謂其有先後之臣而致之歟我謂其有奔奏之臣而致之歟我謂其有禦侮之臣而致之歟泛言四臣之所致而不敢為一定之辭見文王之化有非

四臣之所能為者矣

繇九章章六句

棫樸

音域

文王能官人也

朱氏曰自此以下至假樂皆不知何人所作疑多出於周

也公

不棄微小所以為能官使人材也

芄芄

棫樸

芄音蓬。傳曰芄芄木盛號棫白桺也。桺抱木也。桺音綏。抱音包。木叢生也。補傳曰芄

芄短小而盛貌。○棫解見繇。○箋曰白桺相樸屬而生者。○疏曰考工記云凡察車之道欲其樸屬而微至注

云樸屬猶附着堅固貌也。此謂樸者。○樸音南。亦謂根枝迫連相附着之貌。迨音窄。新之樸之。○樸音南。傳曰

也櫛積

濟濟辟王

辟音壁。箋曰濟濟敬也辟君也辟王謂文王也。疏曰濟濟多容儀也。

左

右趣之

趣音娶。傳曰趣趣也。

首章述文王用材不棄微小也興也棫小木又樸屬而叢生根枝相附著若無所用然芄芄然短小而盛猶可用之為薪以烹飪其未乾者又積之以待其乾而用之喻文王用人或隨材而用或蓄之以待用雖微不棄況其大者乎得人若此故文王端拱無為濟濟然有威儀而左右之臣趨而事之也

歐陽氏曰見君臣之盛也

辟王從後尊稱之辭

濟濟辟王左右奉璋

璋音章。傳曰半圭曰璋。○箋曰璋璋瓚也。祭祀之禮王裸以圭瓚諸

臣助之亞裸以璋瓚。○疏曰玉人云大璋中璋邊璋皆是璋瓚也以璋言之郊特牲云灌以圭璋與此云奉璋我我皆有明文故知璋為璋瓚矣。祭之用瓚唯裸為然祭統云君執圭瓚裸尸大宗伯執璋瓚亞裸。○曹氏曰璋以為瓚柄所以為裸也。○裸將解見文王王瓚解見旱麓。○傳曰錢氏曰衣冠壯偉之貌。○髦士攸宜。○傳曰髦音毛。○傳曰髦俊也。

奉璋我我

音俄。○傳曰我我盛壯也。

次章述祭事之得人也濟濟然多威儀之君王其在

宗廟祭祀則左右之臣奉璋瓚以相其禮其奉璋者

我哉然壯偉此俊士之所宜為言得人也

曹氏曰國之大事在

祀與戎故二章言祀事三章言戎事

淠彼淠舟

淠音譬徐音沸○王氏曰淠舟行貌○淠解見邶谷風

烝徒楫之

楫音接○

傳曰楫櫂也櫂直教反亦作棹○釋文曰楫謂之櫂或謂櫂釋文云在傍撥水曰櫂

周王于邁

疏曰

周王文王也○箋曰于往邁行也往行謂出兵征伐也

六師及之

傳曰天子六軍○疏曰瞻彼洛

矣云以作六師常武云整我六師皆謂六軍為六師夏官序言五師為軍萬二千五百人也詩為大雅莫非王法詩人之作或以後事言之春秋之兵雖累萬之衆皆稱師軍之言師乃是常稱○傳曰及與也

三章述戎事之得人也興也淠水之舟淠淠然順流

而行者乃衆徒以楫行之文王為西伯奉王命以征
伐則六軍與之俱進文王未有六軍以大雅皆述王
者之事故言六軍耳

歐陽氏曰以見王所官人入宗廟居軍旅皆可用言文武之材

各任其事也

○詩人指山川為喻皆以土地所見者言之

若文王始居岐則當言渭水若後居豐則當言豐水
涇非耳目所及而言涇舟者蓋此述行師所見也文
王之時北有獫狁之難文王以天子之命命將遣戍
以討之必渡涇水宣王時獫狁嘗侵至涇陽則周伐

玃狁必渡涇水可見矣

倬彼雲漢

倬音卓。桑柔箋曰倬明大貌。傳曰雲漢天河也。解見雲漢詩。

為章于天

周王壽考

箋曰文王是時九十餘矣故云壽考。

遐不作人

傳曰遐思也。朱氏曰作人謂

變化鼓舞之也。董氏曰遐不作人甚言其作也。曹氏曰作者鼓舞振動之意也。商之末世士氣卑弱甚矣。非鼓舞振動之烏能自奮而有成哉。

四章言由文王之化能作成人材也興也雲漢倬然

明大為文章于天人皆仰之猶文王以文治昭揭於

上人所觀瞻也文王自少至老所以興起人心者非

一日矣遠不作人乎言久於其道而化成也。○人心之善作之則興凡自暴自棄習俗益流於下者由上之人無以興起之耳孟子云經正則庶民興又云待文王而興者凡民也又云奮乎百世之上百世之下聞者莫不興起也人同此心心同此理非外立一道以疆其所無特作而興之使之自不能已不知所以然而然如樂則生矣生則烏可已不知手之舞之足之蹈之也

追琢其章

追音堆。傳曰追雕也。金曰雕玉曰琢。疏曰毛以此經上下相成所追琢者即金玉也。

○朱氏曰追之琢之。○今日箋引春官追師掌追衡筭則追亦治玉今從毛

金玉其相

朱氏曰金

之王之。傳曰相質也。○卨氏曰表裏如一所以為賢也。

勉勉我王

箋曰我王謂文王也。網紀

四方

箋曰張之為網理之為紀。疏曰說文云網網絃也。紀別絲也。然則網者網之大繩故盤庚云若網

在網有條而不紊以舉網能張網之目故張之為網也。紀者別理絲縷故理之為紀以喻為政有舉大綱者有細者。

五章言作成人材而提綱領以振起之也興也文王

作人外則追琢之使有成器之文內則金玉之使有

可貴之質作人之效如此文王猶勉勉不已以維持
四方而綱紀之也

棫樸五章章四句

旱麓音鹿受祖也周之先祖世脩后稷公劉之業大王王

季申以百福千祿焉

疏曰詩言文王受其祖之功業也祖謂大王王季以前也○呂氏曰

大雅自文王至靈臺皆文王

詩故受祖不待言文王也

此詩以旱麓榛楮起興言文王承前久積累而興所
謂受祖也周之先祖以下則講師附益其辭贅矣鄭

氏因後序有大王王季之說遂以詩中宣弟君子為
大王王季毛不見後序本自無說孔氏謂毛亦以為
大王王季是承襲之訛也當從朱氏以詩中君子為

文王

瞻彼旱麓

傳曰旱山名也麓山足也

榛楮濟濟

榛楮音

解見邶簡兮

陸曰楷木莖似荆而赤其葉如蓍上

黨人篋以為莒箱又屈以為釵○曹氏曰楷可以為

箭○傳曰濟

宣弟君子

宣音愷○朱氏曰

干祿宣弟

傳曰

千求也

首章言文王受祖以德也興也麓承山之氣者也其
山高則麓之得其氣也深厚謂峯巒回合之所茫
雲雨潤澤之所漸也其氣深厚故草木茂盛培塿無
松栢培音剖塿
郎斗反由其氣薄也今視旱山之麓得山氣

之厚故榛楮之木濟濟然衆多山喻先祖麓喻子孫
榛楮喻福祿興文王承先祖積累之厚故其福祿盛
大也受祖者必有德以受之文王有豈弟之德故其
求福也亦以是豈弟豈弟者德盛仁熟和順充積之

謂也干祿非文王之心詩人言干祿者謂在我有以致之猶曰自求多福耳非有心求之也○毛氏以旱為山名不知山之所在或取漢地理志漢中郡南鄭縣之旱山以實之詩人託山川以起興皆取其在境內者漢中遠於豐鄠豐鄠之間高山多矣何獨遠取漢中之旱山乎既非耳目所及何言瞻也旱山不知所指闕其所不知可也

詩記曰周語言此章之義曰夫旱麓之榛楸殖故君子得

以易樂干祿焉若夫山林墮竭林麓散亡數澤肆既民力凋盡田疇荒蕪資民力凋盡田疇荒蕪資用乏

而何易樂之有焉然則所謂榛桔濟濟者蓋當時所見之實也至于詩人發興則周語不能盡其義

瑟彼玉瓚

瑟音瑟瓚才贊反

黃流在中

程子曰瑟密也○錢氏曰聘義言此德於玉瓚

案以栗注云鎮緻也栗堅貌緻音治密也○傳曰玉瓚圭瓚也黃金所以飾流也九命然後賜以秬鬯圭瓚○箋曰黃流秬鬯也圭瓚之狀以圭為柄黃金為勺青金為外朱中央矣殷王帝乙之時王季為西伯以功德收此賜○疏曰瓚者盛鬯酒之器以黃金為勺而有鼻口鬯酒從中流出故云黃金所以飾流也漢瓚槃口徑一尺則瓚如勺為槃以承之也天子之瓚其柄之圭長尺有二寸其賜諸侯蓋九寸以下孔叢子子思云王季九命作伯於西受圭瓚秬鬯之賜故文王因之得專征伐秬鬯也秬鬯者釀秬為酒以鬱金草和之使之芬芳條鬯故謂之秬鬯草名鬱金則黃如金色酒在器流動故謂之黃流○秬鬱解見江漢○今考毛謂以黃

金為勺酒流出而照見其黃鄭謂和以鬱金草故在中流動而黃非流出也

宣弟君子福祿攸降

箋曰降下也

次章言盛德必得其福也興也瑟然縝密之玉璫必

有桓鬯黃流在其中宣弟之君子必有福祿下其躬

言以類應也王季受圭璫之賜而文王因之亦受祖

也旱麓圭璫皆當時所見之實

朱氏曰明寶器不薦於褻味而黃流不注

於瓦缶則知盛德必享於祿壽而福澤不降於淫人矣

鷺飛戾天

鷺音沿。曰鷺鷥也。今曰箋以鷺為鷥之類疏引蒼頡解詁及陸璣山陰陸氏皆以為

即鵑也。當從衆。○箋曰：鳥之貪惡者也。○疏曰：說文云：鵑，鷙鳥，擊小鳥，故為貪殘。○釋鳥曰：鵑鳥，醜其飛也。翔。○郭璞曰：布翅翔翔。○山陰陸氏曰：高飛曰翔，布翼不動曰翔曲禮云：前有塵埃，則載鳴。鵑鳴則將風，故也。鵑，鈍者也。以風作之，則高飛。昔墨子作木鵑，飛二日不集。列子所謂班輸之雲梯，墨翟之飛鵑是也。今人乘風放紙鵑。○箋曰：戾至也。

魚躍于淵 豈弟君子 遐不作人

三章言作人之妙也。興也。鵑飛至天，魚躍其淵，言天壤之內，莫不自得其性而不知所以然也。豈弟，文王遐不作人乎？言有以興起之而使之不自己也。遐，言作人之久也。作之以豈弟，是性天感發之妙，自有手。

舞足蹈而不自知者惟久於其道者能之非意氣鼓

舞於一時之暫也

作人又解見械樓。李氏曰抱朴子云鳶飛在下無力及至乎上聳

身直翅而已蓋鳶飛更不用力亦如魚躍恬然自得不知其所以然而然也。謝氏曰猶韓愈謂魚川泳而鳥雲飛上下自然各得其所也詩人之意言如此氣象周家作人似之。詩記曰作人之盛至於鳶飛魚躍非積累熏陶久且熟者則不能然其來蓋有自矣此序所謂受祖也。朱氏曰子思云言其上下察也借此以形容道體周流充塞天地其大無外其小無內動靜之間無往不造其極無有毫髮凝滯倚著之意其

旨深矣

清酒既載

邱氏曰清酒清潔之酒也。清酒有考見信南山。箋曰載謂已在尊中也。今曰載猶

盛也盛

騂牡既備

騂息營反。疏曰：騂牡，赤牡之牲也。大王、王季為殷之諸侯，其牲亦應不

平聲

毛此作者，於後據周所尚而言之。董氏曰：方文王時，周固未有所尚，而騂牡蓋以色自別耳。今曰：充人及祭義，凡祭祀之牲皆擇而養之，三月備者，豫備也，非牲酒瘠酸取其臨時也。

以享以祀以介

景福

箋曰：介助也。景，大也。

四章述祭則受福也。文王既成民而後致力於神，清

潔之酒既載之於尊，中赤色之牡牲既已豫備，以之

獻享以之祭祀，使先祖歆饗之而助之以大福。

李氏曰：君

子之受福，豈以清酒騂牡之故而得之哉？古人奉牲以告，所謂馨香無譌慝也。如此則降之以福。

瑟彼柞械

程子曰瑟密茂之狀。柞械解見錄。

民所燎矣

燎音料。今曰箋以為柞械之

所以茂盛者乃人熅燎除其旁草養治之使無害也不若錢氏以為民取以供燎不費辭也熅音飢芟草燒之

曰

豈弟君子神所勞矣

勞去聲。箋曰熅來猶言助佑

五章言受福之本也。豳也。柞械瑟然密茂則民取以
為薪而燎之矣。文王有豳弟之德則神所佑助而賜
之福矣。岐山柞械斯拔亦所見之實也。○一說此柞
械之茂盛其長育之者非一日故民得以為薪燎之
用猶文王之得福由其先祖之積累也。

莫莫葛藟

朱氏葛覃傳曰莫莫茂密也

施于條枚

施音異○葛覃傳曰施移也○箋曰

葛藟延蔓於木之枝本喻子孫依緣先人

之功而起○汝墳傳曰枝曰條幹曰枚
豈弟君子求

福不回

六章明求福之心也興也莫莫然而密茂者是葛也
藟也延蔓於木之枝幹喻文王憑先祖之功而起也
文王豈樂弟易其求福不回邪也表記言得之自是
不得自是以聽天命遂引此章蓋有一毫覬倖之心
則邪矣

旱麓六章章四句

詩緝卷二十五